

GOBIERNO DE NAVARRA

PRESIDENCIA JUSTICIA E INTERIOR

ECONOMIA Y HACIENDA

RELACIONES INSTITUCIONALES Y  
PORTAVOZ DEL GOBIERNO

ADMINISTRACION LOCAL

EDUCACION

SALUD

DESARROLLO RURAL Y MEDIO  
AMBIENTEASUNTOS SOCIALES FAMILIA  
JUVENTUD Y DEPORTE

CULTURA Y TURISMO

OBRAS PUBLICAS TRANSPORTES Y  
COMUNICACIONESVIVIENDA Y ORDENACION DEL  
TERRITORIO

INNOVACION EMPRESA Y EMPLEO

SEGURIDAD Y EMERGENCIAS

## Fiteroko monasterioan erditzean hildako emakume baten Erdi Aroko gorpuzkia aurkitu dute

*Ehorzketa kasu bitxia da, eta monasterioko klaustroa zaharberritu aurretik egindako indusketa arkeologikoetan agertu da*

Jueves, 12 de mayo de 2011

Fiteroko monasterioko klaustroaren iparraldeko hormarte zaharberritu aurretik egindako indusketa arkeologikoetan ehorzketa kasu bitxia aurkitu da. Erditzean hildako ama da. Ehorzketaren data ama horrek zeukan txanpon bati esker zehaztu ahal izan da, Katalina eta Joan Albretekoaren agintaldiari dagokio eta, hau da, XV. eta XVI. mendeen arteko aldiari.

Mota horretako obstetrizia-arazoei buruzko aipamen historikoak eta etnografikoak oso ugariak diren arren, arkeologiaren bidez gutxitan egiaztatu dira. Gutxitan geratu da jasota argi eta garbi erditzearen eta amaren heriotzaren artean lotura dagoela.

Fiteroko ehorzketaren kasuan ez dago zalantzarik, fetua zeharka kokatuta baitago eta horren eraginez erditzea ezinezkoa baitzen. Horrez gain, amari pubiseko sinfisian gorputz-adar bat agerian geratzen zaio.



Erditzean hildako amaren gorpuzkia. Fiteroko monasterioko indusketa arkeologikoetan agertu da.

Aurkikuntza azterketa fasean dago. Horri esker, heriotzaren inguruabarrak zein izan diren jakin ahal izango da: amaren adina, arazo ginekologikoak, haurra ateratzeko zer motatako maniobrak egin ziren, etab.

Aipatu hilerrian bi sexuetako pertsonak eta adin askotakoak lurperatu ziren. Hori dela eta, ehorzketak Fiteroko lehenengo biztanle laikoei dagozkie: kolonoak, maizterrak, etab. Biztanle horiek monasterioarekin lotuta zeuden eta dokumentu historikoetan "El Cortijo" izenarekin agertzen den inguruan bizi ziren, monasteriotik hurbil.

Monasterioa zaharberritzeko lanak Nafarroa 2012 Planera bildu dira.



Erditzean hildako amaren gorpuzkia. Fiteroko monasterioko indusketa arkeologikoetan agertu da.